

**1880/2022 EBAZPENA**, 2022ko irailaren 27koa, Nafarroako Unibertsitate Publikoko Ikerketako errektoreordeak emana. Haren bidez, ikertzaileen lan kontratazioa egiteko hautaketa-prozesurako deia egiten da, jarduera zientifiko-teknikoen kontratu bidez honako ikerketa-proiektu hau garatzeko: “PC018-019 BioestimulaN: Jatorri metabolikoko edo mikrobianoeko produktu bioestimulatzailen erabileraren azterketa interes agronomikoa duten landare espezieetan nitrogenoaren erabileraren efizientzia hobetzeko”.

2022ko irailaren 27an, Ikerketa Zerbitzuak ikertzaileak kontratatzeko hautaketa-prozesurako deia egiteko eskatu zuen, jarduera zientifiko-teknikoen kontratu bidez “PC018-019 BioestimulaN: Jatorri metabolikoko edo mikrobianoeko produktu bioestimulatzailen erabileraren azterketa interes agronomikoa duten landare espezieetan nitrogenoaren erabileraren efizientzia hobetzeko” ikerketa-proiektua garatzeko, proiektuko lankide gisa. Ikerketa-proiektuaren ikertzaile arduraduna Idoia Ariz Arnedo da, ikertzaile doktorea, Zientzien Sailari atxikia.

Kontuan harturik Langileria Kudeatzeko Ataleko buruak egin duen proposamen-txostena, Giza Baliabideen Zerbitzuko zuzendariak ontzat eman duena.

Nafarroako Unibertsitate Publikoko errektoreak errektoretza-taldearen egitura orokorra onetsi eta bere funtzioak zehazteko 2019ko uztailaren 3an eman zuen 1420/2019 Ebazpenaren bidez eskuordetu dizkidan eskumenak erabiliz,

#### **EBAZTEN DUT:**

Lehenbizikoa.- Ikertzaileen lan kontratazioa egiteko hautaketa-prozesurako deialdia onestea jarduera zientifiko-teknikoen kontratu bidez honako ikerketa-proiektu hau garatzeko: “PC018-019 BioestimulaN: Jatorri metabolikoko edo mikrobianoeko produktu bioestimulatzailen erabileraren azterketa interes agronomikoa duten landare espezieetan nitrogenoaren erabileraren efizientzia hobetzeko”, baita deialdiaren oinarriak ere.

Bigarrena.- Ebazpen hau Hautapen Batzordeko kideei eta Ikerketa Zerbitzuari aditzera ematea.

Hirugarrena.- Agindua ematea ebazpen hau Unibertsitatearen iragarki-ohol elektronikoan eta Nafarroako Aldizkari Ofizialean argitaratu dadin.

Iruñean, 2022ko irailaren 27an

Francisco J. Arregui San Martín  
Ikerketako errektoreordea

**IKERTZAILEEN LAN KONTRATAZIOA EGITEKO HAUTAKETA-PROZESURAKO DEIALDIA HONAKO IKERKETA-PROIEKTU HAU GARATZEKO: “PC018-019 BIOESTIMULAN: JATORRI METABOLIKOKO EDO MIKROBIANOKO PRODUKTU BIOESTIMULATZAILEEN ERABILERAREN AZTERKETA INTERES AGRONOMIKOA DUTEN LANDARE ESPEZIEETAN NITROGENOAREN ERABILERAREN EFIZIENTZIA HOBETZEKO”**

Hauek dira deialdia arautuko duten

**OINARRIAK**

**1.- DATU OROKORRAK**

**-Deialdiaren xedea:** deialdi honen xedea ikertzaileak hautatzea da, ondoren lan kontratazioa egiteko, jarduera zientifiko-teknikoen kontratu bidez, ikerketa-proiektu hau garatzeko: “PC018-019 BioestimulaN: Jatorri metabolikoko edo mikrobianoko produktu bioestimulatzaileen erabileraren azterketa interes agronomikoa duten landare espezieetan nitrogenoaren erabileraren efizientzia hobetzeko”.

**-Maila profesionala:** proiektuko lankidea, batez ere ikerketa-lanetan aritzeko.

**-Eginkizunak:** kontratatutako pertsonak arlo hauei buruzko ezagutza izan behar du: mikrobiologia (kultiboa, material genetikoaren erauzketa, qPCR), landare-hazkuntzako sistemak (NFT hidroponia purua, fertirrigazioa), landare-fisiologia eta oinarritzko biologia molekularra. Halaber, nahitaezkoa izanen da ezagutzak edukitzea metabolitoak zehazteko teknika analitikoak, jarduera entzimatikoei eta ekipo handien maneiuari buruz (kromatografia ionikoa, elektroferesi kapilarra, etab.). Jarraian jasotako jarduera zehatz guztien exekuzio teknikoaz arduratuko da, alegia, proiektuaren jatorrizko memoriako T1.3.1., T1.3.2, T2.2.1, T2.2.2, T2.2.3, T2.2.4, T2.3.2 eta T2.3.3 zeregin gisa deskribatutakoekin lotutakoez.

Proiektuaren zeregin bakoitzean garatu beharreko lanen deskribapena:

- 1) Lurrik GABEKO laborantza-sistemetan esperimenduak egitea (landareen hazkuntza eta hazkuntzaren segimendua BBCH eskalaren bidez).
- 2) Soluzio nutritiboak formulatzea, fertirrigazioko eta Nutrient Film Technique motako hidroponia puruko instalazioetan mantentze-lanak egitea, soluzio-aldaketak egitea, laginak biltzea eta mantengaiak, pH-aren eta eroankortasunaren bilakaeraren analisiak egitea.
- 3) Parametro fisiologikoen in vivo segimendua egitea (Dualox parametroak, fotosintesia, konduktantzia estomatikoa).
- 4) Biomasa neurtzea, berehala izoztea eta laginak lehortzea barne hartzen duten uztak, ondoren aztertzeke. Material izoztua (hotzean) nahiz lehorra (giro-tenperaturan) ehotzea.
- 5) Estraktuak prestatzea eta metabolitoak zehaztea kromatografia ionikoaren eta elektroferesi kapilarraren bidez.
- 6) Landare-ehunetako frakzio apoplastikoa erauztea eta erauzkinak prestatzea.
- 7) Zehaztapen metabolikoak: landareen nitrogenoaren metabolismo primario eta sekundarioaren jardura entzimatikoa, gradiente bidezko zatikatze azpizelularra, proteinen immunodetekzioa.
- 8) Mikroorganismoetatik eta landare-ehunetatik material genetikoak erauztea, (q)PCR bidezko gene-adierazpena.

9) Mikroorganismoen hazkuntza (bakterioak eta legamiak) ingurune desberdinetan, N-ren markatze isotopikoarekin edo hura gabe.

**-Kontratu mota:** jarduera zientifiko-teknikoen kontratuaren modalitatearen bidez egingen da kontratazioa, Zientziari, Teknologiarri eta Berrikuntzari buruzko 2011ko ekainaren 1eko 14/2011 Legearen 23bis artikuluan ezarritakoarekin bat etorriz.

**-Iraupena:** mugagabea, “PC018-019 BioestimulaN: Jatorri metabolikoko edo mikrobianoako produktu bioestimulatzaileen erabileraren azterketa interes agronomikoa duten landare espezieetan nitrogenoaren erabileraren efizientzia hobetzeko” ikerketa-proiektuari lotua.

**-Lanaldi mota:** osoa.

**-Ordainsariak:** Nafarroako Unibertsitate Publikoaren Ikertzaileak Kontratatzen Araitzeak bere eranskinean ezarritakoak, 2022. urtera egokituak; arautegi hori 2017ko maiatzaren 3ko Gobernu Kontseiluaren erabaki baten bidez onetsi zen, eta 2022ko apirilaren 12ko Gobernu Kontseiluaren erabaki baten bidez aldatu.

Ordainsariak ordaintzeko aukera egonen da, proiektuan ezarritako helburuak betez gero. Diru-gehigarri horiek ordaintzeko, proiektuaren arduradunak ordaintzeko justifikatzen duen azken txosten bat egin beharko du, eta aurrekontuan diru kopuru nahikoa izan beharko da.

**-Finantzaketa:** Nafarroako Gobernua.

**-Argitaratzeko tokiak:** Deialdia Nafarroako Aldizkari Ofizialean argitaratzeaz gainera, deialdiarekin lotutako egintza eta ebazpen guztiak Nafarroako Unibertsitate Publikoaren iragarki-ohol elektronikoan argitaratuko dira.

## **2.- PARTE HARTZEKO BALDINTZAK**

2.1.- Hautaketa-prozesuan onartuak izateko, izangaiek baldintza hauek bete beharko dituzte:

a) Espainiako herritarra izatea edo Europar Batasuneko estaturen batekoa izatea edo, Europar Batasunak izenpetu eta Espainiar Estatuak berretsitako nazioarteko itunen arabera, langileen joan-etorri askea aplikatzeko zaion estaturen batekoa.

Halaber, Espainiako, Europar Batasuneko estatuetakoa edo aipatu nazioarteko itunak aplikatzen diren eremuko estatuetakoa herritartasuna dutenen ezkontideek parte hartzeko aukera dute, betiere zuzenbidearen arabera bananduak ez badaude; herritartasuna duenaren ondorengoek edo haren ezkontidearen ondorengoek ere parte hartzeko aukera dute, zuzenbidearen arabera bananduak ez badaude, baldin eta 21 urtetik beherakoak badira edo, adin horretatik gorakoak izanda ere, gurasoen kontura bizi badira.

Halaber, aurreko paragrafoetan sartuta ez dauden herrialdeetakoak izan eta Espainian legezko bizilekua duten atzerritarrek administrazio publikoetako lan kontratupeko langile aritzeko aukera izanen dute. Espainian bizi ez diren atzerritarrek parte hartzeko aukera izanen dute, betiere parte hartzeko betekizunak betetzen badituzte. Kasu horretan, kontratazioa egin ahal izateko atzerritartasunari buruzko legeek eskatzen dituzten baimenak lortu beharko dituzte.

3. orrialdea 9(e)tik

b) 18 urte baino gehiago izatea, eta erretiro adina betea ez izatea.

c) Arlo hauetako unibertsitate masterreko titulazio akademiko ofiziala: Landare Fisiologia, Bioteknologia, Agrobiologia edo Mikrobiologia.

Atzerrian erdietsitako titulazioak badira, izangaiak eskuan izan beharko du homologazioaren egiaztatzea, edo baliokidetzeara, hala badagokio. Betekizun hori ez zaie aplikatuko lanbide arautuen eremuan prestakuntza profesionalaren aitortzea Europako Erkidegoko Zuzenbidearen xedapenen babesean erdietsi duten izangaiei.

d) Deialdiko xede diren lanpostuak betetzea galarazten duen gaixotasunik edo muga fisikorik edo psikikorik ez edukitzea.

e) Diziplinako espediente baten ondorioz edozein administrazio publikotako zerbitzutik baztertua ez izatea, eta ez egotea epai irmo baten bidez ezgaitua eginkizun publikoak betetzeko.

2.2.- Aurreko arauetan ezarri diren baldintzak eskaerak aurkezteko epea bukatzen denean bete beharko dira, eta kontratazioa egin arte beteko dira.

### **3.- ESKAERAK**

Eskabideak aurkezteko epea 10 egun balioudun igaro ondoren bukatuko da, deialdi hau **Nafarroako Aldizkari Ofizialean** argitaratzen den egunaren biharamunetik kontatzen hasita.

Hautaketa-prozesu honetarako **inskripzioa telematikoki** egin beharko da, Nafarroako Unibertsitate Publikoaren goitza elektronikoaren bidez, helbide honetan:

<https://sedeelectronica.unavarra.es/sede/zerbitzu-katalogoa/guztiak/ikertzaileen-hautaprobak>

Lehenik, “**Hasi tramitea**” botoia sakatu behar da.

“**Erantsi fitxategiak**” eremuan, dokumentu hauek erantsi beharko dira lanpostu kategoria bakoitzerako:

-Parte hartzeko eskabidea.

-Nortasun Agiri Nazionalaren, AIZren edo pasaportearen fotokopia.

-Deialdian eskatzen den tituluaren fotokopia.

-Espediente akademikoaren fotokopia, batez besteko nota zehaztuta.

-Curriculum vitae, norberak egoki jotzen dituen merezimenduen egiaztagiriekin batera.

Parte hartzeko eskabide ereduak esteka honetan dago:

<http://www2.unavarra.es/gesadj/registroGeneral/instancias/recursos-humanos/contratacion-personal-investigador.pdf>

### **4.- IZANGAIEN ONARPENA**

4.1.- Eskaerak aurkezteko epea bukatu eta gero, onartuen eta baztertuen behin-behineko zerrenda argitaratuko da, baztertua izateko arrazoa esanez, baztertuen kasuan. Izangai bazterturik ez bada, zuzenean onetsiko da behin betiko zerrenda.

4.2.- Hirugarren oinarriak aipatzen dituen dokumentuak ez aurkezteagatik behin-behinean baztertzea galarazi gabe, eskaera epez kanpo aurkeztea edo lehiaketaren bidez lortu nahi den lanpostua betetzeko bete behar diren baldintzak ez betetzea baztertzeko arrazoiak izanen dira, eta, gainera, horiek ezin izanen dira zuzendu.

4.3.- Izangai baztertuek edo zerrendan azaldu ez direnek zilegi dute erreklamazioa egitea eta, akatsen bat badago, akatsak zuzentzea, behin-behineko zerrenda Nafarroako Aldizkari Ofizialean argitaratu eta hurrengo 5 egun balioduneko epean. Ezartzen den epean baztertuak izateko arrazoa konpontzen ez duten izangaiak behin betiko baztertuko dira, eta ez dute probarik egingen.

4.4.- Eskaerak aurkezteko eta akatsak zuzentzeko epea bukatu eta gero, onartuen eta baztertuen behin betiko zerrenda argitaratuko da.

4.5.- Izangaiak hautaketa-prozesuan onartuen zerrendan egoteak edota 6.2 oinarriak aipatu hautaketa-prozesua gainditu dutenen zerrendan egoteak ez du ekarriko inoiz ere unibertsitateak aitortzea betetzen dituztela deialdiko oinarrietan eskatu diren baldintza orokorrak edo bereziak. Kontratatzeko deitzen dituzten izangaiek ziurtatu eta egiaztatu beharko dituzte horiek, jatorrizko dokumentazioa aurkeztu beharko baitute kontratua sinatzen dutenean.

4.6.- Parte hartzeko eskaerarekin batera aurkeztutako dokumentazioarekin alderaturik jatorrizko dokumentazioa okerra edo faltsua bada edo aurkeztu ez bada, kontratua sinatzeko ezintasuna eta kontratazio zerrendatik baztertzea ekarriko du, interesdunak berak sinatuko duen erantzukizunpeko adierazpenarekin bat etorritz.

### **5.- HAUTAKETA-PROZESUA**

Izangaien merezimenduak baloratuko dira, aurkeztutako dokumentazioarekin bat etorritz eta I. eranskinen baremoaren arabera.

Izangaiek eskabideak aurkezteko epea bukatzean dituzten merezimenduak bakarrik baloratuko dira, eta gero lortutakoak ez dira kontuan hartuko. Hautapen Batzordeak inola ere ez du onartuko izangaiek alegatu ez duten edo agirien bidez frogatu ez duten merezimendurik, eta ezin izanen du apartatu bakoitzean adierazitako gehieneko puntuazioa baino handiagorik eman.

Adierazten diren merezimendu guztiak zuzenbidean baliozkoa den edozein baliabideren bidez frogatu behar dira.

Hautapen Batzordeko kide bakoitzak baloratuko ditu izangaien merezimenduak. Azken puntuazioa izangai bakoitzari emandako puntuazioen batezbestekoa izanen da.

### **6.- HAUTAKETA-PROZESUAREN EBAZPENEA**

6.1.- Izangaiek aurkeztutako merezimenduen balorazioa amaitu eta gero, Hautapen Batzordeak Ikerketako errektoreordeari bidaliko dio hautaketa-prozesua gainditu duten izangaien zerrenda, lortutako puntuazioekin.

6.2.- Ikerketako errektoreordeak ebazpena emanen du hautaketa-prozesua gainditu duten izangaien zerrenda onesteko, eta Nafarroako Unibertsitate Publikoaren iragarki-ohol elektronikoan argitaratuko da.

6.3.- Deialdi honetan sortzen den kontratazio zerrendak 3 urteko indarraldia edukiko du argitaratzen den egunaren biharamunetik kontatzen hasita.

Indarrean dagoen bitartean, kategoria bera eta ia eginkizun berak dituzten langileak kontratatzeke premia sortzen denean ere erabiliko da kontratazio zerrenda hori, proiektu, kontratu, hitzarmen edo katedra baterako edo institutuko edo ikerketa-taldeko funtsetarako izan, betiere hurrenkera ordena errespetatuz.

6.4.- Deialdi honen ondoriozko kontratazio zerrendan egonik kontratu bat onartzen duten izangaiei ez zaie beste edozein lanpostutarako kontraturik eskainiko. Dena dela, eskainiko zaie baldin eta kontratua bukatzeko 15 egun edo gutxiago gelditzen badira.

### **7.- HAUTAPEN BATZORDEA**

Batzordeburua: Esther González García doktorea, unibertsitateko katedraduna, Zientzien Sailari atxikia, Ikerketako errektoreordeak delegatuta.  
Idazkaria: Idoia Ariz Arnedo doktorea, ikertzaile doktorea, Zientzien Sailari atxikia.  
Batzordekidea: Berta Lasa Larrea doktorea, kontratupeko irakasle doktorea, Zientzien Sailari atxikia.

### **HAUTAPEN BATZORDE ORDEZKOA**

Batzordeburua: César Arrese-Igor Sánchez doktorea, unibertsitateko katedraduna, Zientzien Sailari atxikia.  
Idazkaria: Estibaliz Larrainzar Rodríguez doktorea, Ramón y Cajal ikertzailea, Zientzien Sailari atxikia.  
Batzordekidea: Ana Zabalza Aznárez doktorea, unibertsitateko irakasle titularra, Zientzien Sailari atxikia.

Hautapen Batzordearen jarduerak, une oro, Administrazio Publikoen Administrazio Prozedura Erkideari buruzko 2015eko urriaren 1eko 39/2015 Legeak eta Sektore Publikoaren Araubide Juridikoaren 2015eko urriaren 1eko 40/2015 Legeak ezartzen dutenaren arabera gauzatuko dira. Jakinarazpenak egiteko eta bestelako gorabeheretarako, Hautapen Batzordearen egoitza Nafarroako Unibertsitate Publikoko Administrazioa eta Kudeaketako eraikina izanen da.

### **8.- DATU PERTSONALEN BABESA**

Nafarroako Unibertsitate Publikoak langileen kudeaketaren arloan antolatutako prozesuetan parte hartzeak interesdunen datuak tratatzea ekarriko du berekin. Datu horien tratamenduaren arduraduna Nafarroako Unibertsitate Publikoa da.

Datuen tratamendua aplikatzekoa zaion araudiari jarraikiz egingen da, hots, Datuak Babesteko 2016/679 EB Erregelamendu Orokorrari eta Datu Pertsonalak Babesteko 2018ko abenduaren 5eko 3/2018 Lege Organikoari jarraikiz. <http://www.unavarra.es> webgunean argitaratutako Tratamendu Jardueren Erregistroan kontsulta daiteke nola egingen den tratamendu hori, "GIZA BALIABIDEAK" atalean.

Tratatuko diren datuak batez ere hautaketa-prozesuetako izangaienak eta NUPEko langileenak izanen dira; hauek hain zuzen ere: izena, deiturak, NANA, datu akademikoak eta profesionalak eta, beharrezkoa denean, bankuko datuak eta Gizarte Segurantzakoak, edo ondoren deskribatzen den xedea betetzeko beharrezkoak direnak.

Datuen tratamendua justifikatzen duen xedea hau da: hautaketa-prozedurak, mugikortasunekoak, egoera administratiboak, ziurtagiriak, edo Giza Baliabideen arloan NUPen eskumenekoak diren beste batzuk tramitatzea.

Xede horrek interes publikoa edo botere publikoa legitimatzen du, Datuak Babesteko Erregelamendu Orokorraren 6.1.e) artikulua ezartzen duen bezala. Hauek dira oinarri juridikoak, langileei buruzko beste arau batzuen artean: Enplegatu Publikoaren Oinarrizko Estatutuaren Legearen testuategina onesten duen 5/2015 Legegintzako Errege Dekretua, 2015eko urriaren 30ekoa, eta Nafarroako Administrazio Publikoen zerbitzura dauden Langileen Estatutuaren testuategina onesten duen 251/1993 Legegintzako Foru Dekretua, 1993ko abuztuaren 30ekoa.

Datuak tratatzeko jardueri dagokienez, interesdunek eskubidea dute datuak eskuratzeko, zuzentzeko, ezabatzeko, mugatzeko, haiei kontra egiteko eta transferitzeko. Horretarako, mezu bat bidali behar dute [delegado.protecciondatos@unavarra.es](mailto:delegado.protecciondatos@unavarra.es) helbidera, Datu Pertsonalak Babesteko Lege Organikoaren 11. artikulutik 18. artikulura bitartekoei jarraikiz. Desadostasunen bat izanez gero, Datuak Babesteko Espainiar Agentziara jo dezakete, <https://www.aepd.es/> domeinuaren bidez.

## **9.- ERREKURTSOAK**

Hautapen Batzordeak erabakitzen dituen egintzen aurka, zilegi da gora jotzeko errekurtsoa jartzea, errektoreari zuzendua, hilabeteko epean, aurkaratzen den egintza jakinarazi edo argitaratu eta biharamunetik kontaktzen hasita.

Deialdi honen aurka, haren oinarrien aurka eta beroriek aplikatzeko egintzen aurka, Hautapen Batzordeak egindakoak ez direnean, zilegi da ondoko errekurtsuetako bat jartzea, arau indardunekin bat etorriz:

a) Aukerako berraztertze-errekurtsoa errektorearen aurrean, hilabeteko epean, egintza edo erabakia jakinarazi edo argitaratu eta biharamunetik kontaktzen hasita.

b) Administrazioarekiko auzi-errekurtsoa Nafarroako Administrazioarekiko Auzietako Epaitegietan, bi hilabeteko epean, egintza edo erabakia jakinarazi edo argitaratu eta biharamunetik aurrera.

## I. ERANSKINA

### Ikertzaileak hautatzeko baremoa

<b>ERABILIKO DEN BAREMOA ETA/EDO EGINEN DIREN PROBAK</b>		
<b>1. APARTATUA:</b> Titulazioak eta espediente akademikoa	<b>Puntuak</b>	<b>40</b>
<p>Titulazioen espediente akademikoa proportzionalki baloratuko da, 10 punturekin gehienez ere.</p> <p>Eskatutako arloetakoren bateko unibertsitate masterrarekin abtera aurkeztutako titulazio unibertsitarioa 10 punturekin baloratuko da gehienez ere, eta titulazioaren eta masterraren ECTS kredituen ehunekoaren arabera ponderatuko da.</p> <p>Ateratzen den puntuazioa 4 faktoreaz biderkatuko da baldin eta izangaiak honako tituluetakoa bat bada: Biologiako Gradua, Bioteknologiako Gradua, Mikrobiologiako Gradua, horien gradu baliokide bat edo Landare Fisiologiaren, Agrobiologiaren, Bioteknologiaren edo Mikrobiologiaren arloko unibertsitate master bat. Bestelako titulazioa bada, 2 faktoreaz biderkatuko da.</p> <p>Izangaiak aurkezten duen titulazio bakoitza dagokion faktorearekin biderkatuko da.</p>		
<b>2. APARTATUA:</b> Esperientzia	<b>Puntuak</b>	<b>25</b>
<p>- Ikerketako esperientzia, Landare Fisiologiaren, Bioteknologiaren edo Mikrobiologiarekin arloekin lotua: proiektuen kargura egindako kontratuak, praktiketako aldiak, prestakuntza esperimentaleko aldiak, ikasketen amaierako lanak, ikerketako beka lehiakorrak, etab. Zuzendariak/prestatzaileak emandako ziurtagiriarekin behar bezala justifikatutako aldiak bakarrik hartuko dira kontuan; iraupena hilabetetan jaso behar da. 1 puntu emanen da hilabete bakoitzeko, eta 16 puntu gehienez ere.</p> <p>- Garatu beharreko eginkizunen apartatuan adierazi diren 9 ataletan zehaztutako tekniken erabilera teknikoa, frogatzeko modukoa baldin bada. 1 puntu eginkizunen apartatuko 9 ataletako bakoitzean zehaztutako gaitasun bakoitzarengatik, eta 9 puntu gehienez ere.</p>		
<b>3. APARTATUA:</b> Prestakuntza osagarria	<b>Puntuak</b>	<b>15</b>
<p>- Deialdiarekin eta kontratuko zereginekin lotutako gaietako prestakuntza espezifikoa, frogatzeko modukoa baldin bada. Gai hauei buruzkoa: Landare Fisiologia, Landare Bioteknologia, Landare Metabolismoa eta haren Erregulazioa, Mikrobiologia, Landare eta Mikroorganismoen arteko Interakzioak, Teknika Molekularrak, etab.</p> <p>1 puntu emanen da prestakuntza espezifikoko 3 kredituko (30 orduren baliokidea), frogatzeko modukoa baldin bada, eta 15 puntu gehienez ere. Merezimendu gisa aurkeztutako ikastaro/irakasgai bakoitzak 10 orduko iraupena edo hortik gorakoa izan beharko du. Ezagutza horiek ikastaroen, mintegien, unibertsitateko titulazioetan egindako irakasgaien eta abarren bidez egiaztatzen ahalko dira.</p>		
<b>4. APARTATUA:</b> Elkarrizketa pertsonala edo birtuala	<b>Puntuak</b>	<b>20</b>



Aurreko apartatuen baturan (1-3) puntuazio handiena lortu duten 4 izangaiei baizik ez zaie eginen elkarrizketa. Elkarrizketan baloratuko dira kontratuaren xede diren eginkizunak betetzeko ezagutza, esperientzia eta gaitasuna, eta, hala badagokio, landareen fisiologiari eta nitrogenoaren metabolismoari buruzko kasu praktiko bat ebazteko gaitasuna.

Hautaketa-prozesua gainditzeko eskatzen den gutxieneko puntuazioa 65 puntu da. Hautaketa-prozesuaren azken emaitzan gerta daitezkeen berdinketak 2. APARTATUAN puntuazio handiena atera dutenen alde ebatziko dira. Berdinketa badago, 4. APARTATUAN puntuazio handiena lortzen dutenen alde. Berdinketak jarraitzen badu, zozketaz erabakiko da.